

## Brugse liedjes

### De Brugsche roep

Kluchtige driezang door Ed. Mechelaere

Liefhebbers van knoddigheid komt al hier  
komt al hier, komt al hier, ja komt al hier  
hier zult gij thans kommen hooren den roep van den Brugsche zotten  
den zondag, maandag, dijssen dag, den woensdag, donderdag, vrijdag  
den zaterdag bijzonderlijk den zaterdag bijzonderlijk  
Jan en Klaai door de stad  
Dat is fraai wat wat wat

Ja, op de vischmerkt en op den groenselmerkt, op den vischmerkt,  
vleeschmerkt, eiermerkt, kiekenmerkt, besemmerkt,  
garenmerkt, woensdagmerkt,  
groote merkt, hoort men roepen al levende versche mossels  
al versch levende versch, al versch, al versch, sa koopt  
pertjes met stertjes voor dessertjes, pertjes met stertjes, sa koopt pertjes,  
sa koopt pertjes, sa koopt pertjes  
Schare slijp, schare slijp, schare slijp schare slijp  
Peperkoek koek koek koek koek koek  
Slunsen of beenen slunsen of notjes krakke notjes zonder potjes  
krak krak krakke not, amandels koopt amandels koopt, koopt  
koopt, koopt, koopt macarons

Zeekerkkolen de zeekerkkolen de zee, zee, zee  
Levende tongen die gisteren nog sprongen  
als d'ouden eens zongen zoo piepen de jongen  
terrebuten, grieten, sa koopt versche witting  
appelchina, hespe, droge visch en druiven,  
boterkoek, peperbollen en Damsche mokken  
een potje koffij zwart lijk Pietje Pek brandend kokend heet lijk d'helle  
Snoeks almanak 't is maar vier centjes almanak van snoeck van Gent  
Gent mostaard, zijn mostaard, zijn

handschoen, koop handschoen koop, spruitjes, rapen  
aspergen, kropsalaad, spinaje, kervel, zurkel, rozen bloemen  
koopt, koopt, koopt pekel haring, spek, haring pekel  
pekkel, pekkel, pekkel haring koopt oranje  
koopt azijn, kerremelk koopt  
bezem, bezem koopt den bise, meden bese me wat doe m'er  
mé, wat doe m'er mé, men vaagt er mé, men vaagt er mé den  
vloer, den vloer

Geerenaars koopt, krabbetjes, steur, leeuwerken, vinken, snoeken en tinken  
naalden en spellen, trompen en bellen,  
sitsen katoen hebt gij toch niet van doen  
duinzand, duinzand

Brusselsche kaas, Hollandsche kaas, paraplu en wandelstok  
let op d'hondevangers zijn daar  
Treze zhen jen hondje geknipt, ne ze krijscht  
ram plan plan ti de ram plan plan ram plan plan plan plan  
ram plan plan plan plan plan  
Men laat aan iedereen weten, als dat zij zullen  
presenteren te verkopen met den stok door het ambt  
van den notaris Rommelpot

### 't Lied van de vischcommercie

Brugs lied uit de Tweede Wereldoorlog

We doen met veel couraage  
Commercie in den visch, ja, visch!  
Verkoopen sprout en krakeloo  
En levoart os 't er is, ja, is.  
En me goan miender ja zoeder vitten  
Iederen dag in ons kraam zitten

We wegen levoart dat de noalde van de scholle beeft  
Os de kalant mor zegels geeft  
We wegen levoart dat de noalde van de scholle beeft  
Os de kalant mor zegels geeft  
In 't pittjie van de wietere  
Os't sneeft of vriest dat 't krakt, ja krakt!  
Zitten we doar te bibberen  
Dat onze kinne kwakt, ja kwakt!  
We wachten miender mè veel oltroatie  
Achter de boas van de Korporotie.

En de kalanten én van 't wachten  
't is me an te doen vervroren teen in under schoen  
En de kalanten én van 't wachten  
't is me an te doen vervroren teen in under schoen

En om ons te verwarremen  
Em olk 'n vierpot stoan, ja stoan!  
Woarvan da rook en vlammen  
Oender ons rokstjie sloan, ja sloan!  
Onderrokstjie en ons broekstjies  
Da zien 't ons juste lik scheuteldoekstjies

En we goan 's avonds noar ons huus  
't is olgemeen bekend ol met 'n pekzwart oendergalent  
En we goan 's avonds noar ons huus  
't is olgemeen bekend ol met 'n pekzwart oendergalent

## Den elektrieken tram

### Brugs liedje

Zeg è j'ons ol zien rien  
Deur de stroaten van de steen  
Tingelingeling  
We geven wiender van Crepé  
In den droai is 't een zwoai  
Os w' an onze wrange stoan  
En we loaten onze balle sloan  
Ting-ting  
Allez gare uut de weg  
Olle man moet uut de kant  
Den elektrieken tram is aangeland  
Tin-tin

Zeg è j'ons ol zien rien  
Deur de stroaten van de steen  
Tingelingeling  
We geven wiender van Crepé  
In den droai is 't een zwoai  
Os w' an onze wrange stoan  
En we loaten onze balle sloan  
Ting-ting  
Allez gare uut de weg  
Olle man moet uut de kant  
Den elektrieken tram is aangeland  
Tin-tin

## Volksliedje uit de Tweede Wereldoorlog

### Op de wijs van Lily Marleen

Wacht e keer toe van de winter,  
je goat ekeer entwat zien.  
Den Ingelsman go kommen,  
al met zijn vliegmachien.  
Me chocola en wittebread,  
Hitler moet doat, die stommekloat.  
Me al zijn ersatzbread.  
Me al zijn ersatzbread